

Zincîra belavokêt Bingeha Êzidiyan li Dervey Welat

Jimare 2

**hindek
Du'a u Dirozên
Êzidiyan**

komkirin u vekolîna

Dr. Xelîl cindî

Einbeck 1997

Du'a u dirozên Êzidîyan-----Dr. Xelîl Cindî

Naverok

Mijar	Rûpel
Pêşgotin	3-10
Du'a Êzdiyatiyê	11-13
Du'a Şêxîtiyê	14-15
Du'a Pîraniyê	16-17
Du'a Mirîdiyê	18-19
Du'a Xerqa	20 -21
Du'a Îmanê	22-24
Du'a Tokê	25-26
Du'a Sebrê	27-29
Du'a Xudanê Malê	30-31
Du'a Heyvê	32

Pêşgotin 2

li demê dawîda hindêk Du'ayêt nu keftine ber destê min, tiştê agehiya me lê u berçavê me keftî, bi tinê yek ji van Du'aya wa hatiye belav kirin, ew ji di govara (Laliş) da; ya ku êketiya êzidîya li Elmaniya der diêxe.

Ev Dû'ane me ji zarê heja Şêx Osman kûrê Şêx Birahîm standine. Ev ciwamêre şêxê şêxu Bekirane u li sala 1942ê li gundê Berhokê ser qeza Nisêbînê wê hatiye dinyayê. wek ew dibêje: hêsta zarok bû, di xewna xweda dibîne ew diçe Lalişe. Ew xewna xwe bi derew na êxîne, li temenê (emrê) 16 saliyêda-anku sala 1958 - berê xwe dide Lalişa mûranî u dibe xizmet karê mala Şîxadî u esqa ilme êzidiyatîyê, 'ilmê Şîxadî dikeve dilê wîda u li sala 1961ê ew diçe ber destê hostayê xwe (Koçek Sadiq), fêrî Dû'a, Beyt, Qewl u qesida, sirove kirinên wan dibe. Şêx Osman neh salên temam li ber destê ciwamêr u Xudê jê razî Koçek Sadiq dimîne u 'ilmê Xudê jê fer dibe. wekî Şêx Osman ji mera gofî: ewî bitir ji (120) Qewl, Beyt Du'aya u Qesîde ji Koçek Sadiq hilgirtîne, heke hindêk her roj fêrî çend sebeqa dibûn, Şêx Osman, çunke maraqê wî li ser din hebû, ewî roj na Qewlek hildigirt.

Şêx Osman her ji sala 1958-1992 li Lalişê, Welat Şêx u Singalê dimîne, xizmeta wî li Lalişê bi vi rengê jêrî bu :

- sala 1958-1977ê ew qehweçiyê mala Şîxadî, çirayên geliyê Lalişê hildikirin.

-Sala 1971-1977ê dîsan ew Mîrhec bû.

-sala 1982ê ewî jinek ji Singalê îna.

- li sala 1992ê ewî Kurdistana başur bi ci hêla u hate Elmaniya, niha ji ew li bajêrê Detmold dimîne. Ev du'ayên li ber destên me, wek têkistên dînî, nek her pîr giring u ferin, belkî bo cara yekê tene nivîsîn. Ev Du'ane gelek bir u bawerê dînê êzidîya, felsefa wan, gelek rastiya, girê u persiva gelek pirsiyara diden, migirtî (bo nimune) ji wan raman u fikir u girêya :

Sunet u hêvênê Sunetê. Erê Sunet di dîn u baweriya Êzidîyanda çî digehîne?...dan u standin bi (sinna) 'erebî u islamîve heye, yan tiştêkî dîye?

Du'a u dirozên Êzîdîyan-----Dr. Xelîl Cindî

Dewrê Melek Şêx Sin u girêdan u nasîna wî wek Şêxe Sunetê...
Şêx, Pîr, Mirîd... erê ji yek cudane, yek ji yekî kevintire, yan
koka wan yeke? Erê gotina şêx, wekî hindek dibêjin, erebîye u
gotina Pîr kûrdiye? Yan (Şêx, Pîr, Mirîd,...) ji yek serukaniyêne,
hêvênê wan yeke?...

Erkan u ferzên dîne Êzîdîyan çine?

Xerqe, dereca Xerqey di dîne Êzîdîyanda çiya?

Dîsan derheqa zaravê (ramaê) xêr u şer ji kûr tîn?... ji hev
diçudane, yan bi hevra digirêdayne?

Derheqa Tawsî Melek u simbola Gay u Masî?

Surra Tawsî Melek, Şîxadî, Êzî, Melik Sêx Sin, Sêsim, Melik
Fexredin, Hesin Meman...

Zaravê Dûur, Surr, Candar, Mihbet, Tok...) çine? Sebir di nav
Êzîdîyanda ci digehîne?.. ci fikir li ser Sebrê hatine û têne ava
kirin?... eve a gelek bîrên din di van heşt Du'ayan da xoya
dîbin u ronahiyê didene ser aliyekî giringî din u baweriya
Êzîdîyan. Her çende ez naxwazim li ser van pîrs u girêkan
bisekinim. Lê dixwazim bi renekî kûrt li ser hindek ji *van*
pîrsan bisekinim.

Sunet, yan bêjin (Surra Sunnetê) parçeyeke ji hêza Xudê, demê
wî dinya çêkirî, esas danî, ev Surre li gel wî bû. Sunnet hemu
ew xuwastek u viyanên Xudêne; anku: qeza, qanun u çarenivîs,
yên Xudê di berperên LOH- ALMEHFUZDA nivîsîn :

Ewe mehdera Êzîdîya

ya Xudê ! roja te esas danî û çêkir

te hedû sed u her pênc ferzê heqîqetê ji mera virêkir

Êzîyê sor navê xwe lekir

roja Surra Sunnetê kirin diyare

nura Meleka hate xware

ew ji mera kirin diyare

her yek li ser koka xwe girtibu ware.

(Sebeqa 1-2 ji Du'aya Êzîdîyatiyê)

Li hêreda wisa diyar dibit ku Xudê surra Sunetê berî Milyaketa
dirûst kiriye.

Hêvênê spî, Kaniya Spî rastiyêt hem her u bê binin(الحقيقة المطلقة)
û Êzî ji naveke ji hezar û yek navê Xudê :

Êzîdîyatî şifaete

Kaniya Spî qublete

qubleta dinê u axrete.

(Sebeqa 7 Ji Dû'aya Êzîdîyatiyê)

Du'a u dirozên Êzidîyan-----Dr. Xelîl Cindî

di virda bi aşkerayî (Sunet = xuwastek, qanun qezayêt Xudêne, ewêt li (Lewhl Mehfuze) da hatine nivîsandin u bi navê (Lalişa Nûranîve) hatine girêdan. Laliş ji rastiyeke herû here. Ew (Surre =Sunete = Lalişe) berî peyda bûna cî u dema (أزلي) peyda bûyne:

*Sûnet more
pedşayi Lalişek avakir bu li jore
rêya Êzidîya bi hêf û core.*

*Surra sûnetê hebu
bi padşayî ra li xewle bu
ji berî çendî dem bu.*
(sebeqa 8 -9 ji Du'aya Êzidîyatiyê)

Li gorî baweriya Êzidîya; hêvênê Sunetê, Surra sunetê, her ji kevinda, berî peydabûna deman peyda buwe. Ew Surre wisa ma u Milyaketa nobe lêkir, bi rêka Du'a u dirozan, mehbeta Xudê Êzidîyatî ma, berdewam bû. Êzidîyan jî îmana xwe bi Tawsî Melek û Milyaket û Xasê din mikûm kir heta gehistine roja îro:

*Ew Surr li wehdaniyê çêkir
Meleka nobet lêkir
roja Ida heciya ji mera virêkir.*

*Êzidî rawestan bi du'ayê
Surra Êzî gehayê
hinciyê safî Êzidî bê
agirê dojê negehayê.*

(Sebeqa 10-12 ji Dû'aya Êzidîyatiye)

Tim di Qewl û Dû'ayêt Êzidîyanda Şêx Sin wek Milyaket tête xoya kirin, her wisa bi Şêxe sunetê u Xûdanê Loh u Qelesa tête nas kirin.

Heke (Loh u Qelem) berî her tiştêkî peyda bûne u Xûdêye mezin tiştê hey u neyî li dinyayê têda nivîsîne u Şêx Sin kiriye rêber u xiznedarê (Loh u Qelem)a, her wekî di Du'ayêda jî der dikeve u Êzidî pêra di neqlînin, nek her eve, belkî navê Şêx Sin u Tawsî Melek bi hevra tê:

Du'a u dirozên Êzidîyan-----Dr. Xelîl Cindî

*Tok ji Êzidîyara qebl kir
nûr bi nûrê (tehemud) kir
ewil Xudê silav li Melik Şêx Sin u Tawsî Melek kir
lew rêya Êzidîya ji guneha dur kir.*

(Sebeqa 8 ji Du'aya Tokê)

Dîsan di Qewl u ilmê dînê Êzidîyanda der dikeve, Şîxadî bi hemû mezintahî u padşahiya xwe, Melik Êêx Sin wek birayê xweê axretê u wek Şêcxê xwe qebl dike:

*Şîxadî Melik Şêx Sin bi şêxîti qebiland
'Ers u Kûrsî jêra xemiland
Horiya li ezmana ji wanra hilhiland.*

*Şîxadî Melik Şêx Sin bi şêxîti qebl kir
degehe ezmana vekir
bi nure (tehemid) kir*

(Sebeqa 11-12 ji Dû'aya Şêxîtiyê).

Dîsan sunet kirin - jêve kirina hindêk goştî ji zarok u xortê nêr u jê hatina xûnê - li cem Êzidîyan tiştêkî batkêse, di virda jî xudanê sunetê her Melik Şêx Sine. Sunet kirin jî bi tor u tibetê kevin u pîrozê Êzidîyan tete nas kirin, wekî di bîr û bawerê gelek dînê kevin da têt: sînet soza mirovane bi Xudê ra, ew îbadeta wî biken u xwe ji xirabî û nebuwa dûr xin:

*Şêx Sin li ezmana Şêxe sunetê
li 'erda qewet da Nebiyê omete.*

belê Surra Melik Şêx Sin u Tawsî Meleke li ezmana, ewan wehî u keramet dane hemû pêxemberê hatîne ser rûyê vê dîndayê! ji aliyê zimanî ve jî u li pê hindêk serçava(المصادر) wisa tê sirovekirin ku gotina (Sunet- Sin- Sinne...) ji (Hay Sin) hatibê. Hay Sin = ewê îbadeta (Sin) dîkin. (Sin) jî yek ji Xudanê here mezin bû li cem Someriya- navê wî Nana, yan Inana bû - her wisa li cem Babiliya bi navê Sin bû. her wisa li cem Egiptan û mîletê Samî û Asûriyan. Wisa jî tê dest nîsan kirin kû (Hay Sin) guhorînê zimanewanî bi ser da hatin u buwe (Haysî - Hîsî - Hîtî - Hîthî) u bi 'erebî buwe (هَيْثِيْت - هَيْسِي - هَيْسِي) evne jî ocaxek bûn ji ocaxê binemala (Adiyaniyê u Mala Adiya). beramber u gel vê Ocaxê. Ocaxeke dine mala Adiya hebû jêra digotin (Hay Ur),

Du'a u dirozên Êzidîyan-----Dr. Xelîl Cindî

bê gûman (Ur) Xudanekî mezinî milletê kevne, çunke ez ne piştrastim eve ki ji wan Xudanê mezine, ji ber wê yeke ez hinde li pê vekolîna wî (wê) naçim, belkî dikarim bêjim (Hay Ur) bi aliyê zimanîve wa bûye (Harî - Harî- Horî-Horî..) û bi erebî buwe: (حوري - هوريت - هاريت) Mêjunivîs (dirokvan) dibêjin: (Horî) berî Someriya jî hebûn u Someriya gelek axiftin zimanê Horiya ji xwera birin.

Belê, Sunet Şêxê Sunete, li gorê Mîtolojiya Êzidîyan tiştê ezmanîne, qeza u firwar, rêk u risim, hedû sedê Xudêne, yê ewî peyda kirin u ji Êzidîyanra virê kirin.

Erê piştî van hemû belge u ronkirina; çî peywendî u girêdan di nêveka (Suneta) Êzidîyan u (Sunne) Busilmana heye?.. kî ji wan kevintire u kê ji kê standiye?...bila dergehe vekirî bimîne, mirov bitir vekolîna li ser çêke...

Xaleke din, ya mirov li ser bisekine, doza Şêx u Pîr u Mirîdane, eve jî xaleke balkêşe di diyanetê Êzidîyanda. Heta demekî kin bawerî ew bu: Şêx u Pîr gûlê darekêne u herduk ji mala Adiyane, çû cudayî di nêveka wanda nîne... ev rastiye jî me bi renekî zanişî di vekolîna xweda bi navê (ber bi zanîna rastiya dînê Êzidîyan, pişka sêyê, sala 1994 , bi zimanê erebî belav kir; têda diyar kir Şêx u Pîr u Mirîd jî, koka wan yeke, ji peyda bûna Ocax u hoz u esîreta bi hevra di girêdayî bûn u niha jî bi hevra di girêdayîne, u ew di dîrokêda pêşketîne.

Mixabin îro roj gelek ewê xwe roşenbir nasdikin, Şêx u Pîra ji yek cuda dikin, dibêjin: Pîr ji Şêxa kevintirin. Yan (Pîr) gotineke kurdîye u (Şêx) gotineke erebîye, bêyî wê yekê hindekê xwe mandî bikin, hem ji aliyê dîrokîve, hem ji aliyê Mîtolojîve. Li gorî fikir u mîtolojiya Êzidîyan: şêx berpirsiyare, delîle li dinyaya din, li axretê. Pîr nîsan u simbola Mirîdane. Merebî qasidê dadgehêye (mehkemêye), çunke li gorî fikra Êzidîya demê dimire, ruhha wî dibene ber dadgehê u li wêderê Merebî qasidê wê ruhêye. (Hosta) jî yê şîret u teqbîrane. Birê axretê: bo wê yekêye belkî xûdanê xwe ji agirê dojê rizgar ke, bibe behîştê.

Bila van Sebeqa ji mîtolojiya Êzidîyan derheqa Şêx u Pîran bi rêz keyn :

*Xûde Sêxîtî dahir kir
12 hezar Qewl u qesîde, Du'a u pêra virêkir
Êziyê sor tancê milukiyê li ber
ji ew paş Êzidîya li pê sefer kir*

Du'a u dirozên Êzidîyan-----Dr. Xelîl Cindî

*Şêxîfî fere
ji berî Nebiya, ji berî Pêxembera, ji
Sêxîtiyê hatibu 99 erkanê heqiyê
bi nûra kesik u sor u spî u zere
ya Xudê! tu li bikî(bibî) mefere*

*Şêxîfî more
hatibû ji xizîna jore
Surra Sêxîfiye ji Kaniya qubet li bidore
ya Xudê! tu li şiyar kî navê Êzîdê sore.*

(Sebeqa 1-5-10 ji Dû'aya Sêxatiyê)

yan jî temasayî van Sebeqa biken derheqa Pîranîyê:

*Pedşayî Pîranî nazil kir
libsê rastiye li ber kir
pîra li pê sefer kir
Pîranî bi navê Hesin Meman çêkir*

*Pîranî bi navê Hesin Meman çêkir
fitir u zekat pêra virêkir
Pîranî ji Sêxatiyê cihê kir
'emelê xirab terik kir
rêya Pîranîyê ber bi xêrê kir.*

*Şêx ji Durrêne
Pîr ji Surrêne
Feqîr candarêt Mewlêne
Mirîd li rêne.*

(Sebeqa 1-5-9 j i Dû'aya Pîranîyê)

Belê baş diyar dibit ku hêvênê Şêx u Pîra yeke, çunke (Durr u Surr) li gorî Mîtolociya Êzîdîya ew (Hiyolî = matiryalê here pêşin, hêvênê ewil= هيوولي) yê dinya u mirov u hemû tiştê din jê peyda buyin, anku Şêx u Pîr du simbolê pîrozîn, ew yek bun, pasî ji hev cuda bûn.

ne wek her hêvênê Şêx u Pîra yeke, belkî bi derecekê Mirîd jî di gehine rêza wan, yan bêjîn: Şêx u Pîran jî navê mirîdiyê li ser wane; diyare ji ber wê yekê dibêjine wan (Dunav), deme Şêxê sêxî, yan Pîrê wî bête mala wî, wî demî ew Şêxê dibite mirêde Şêx u Pîrê xwe, her wisa bo Pîrî, demê Şêxê pîrî, yan Pîrê pîrî bête mala wî, wê rojê ew pîre dibite mirêde Şêx u Pîrê xweye. Mirîdî wekî Şêx u Pîranîyê erkanekî here kevnî Êzîdîyatêye:

Du'a u dirozên Êzidîyan-----Dr. Xelîl Cindî

*Mirîdî fere
li nav wan danîn mehdere
rêya mirîdiyê herû here.*

(Sebeqa 2 ji Du'aya Mirîdiyê)

ankû dikarîn bêjîn: kok u rêya Mirîdiyê jî digehte ser (Hêvênê Sunetê) u bi ava Hêwanê u Behîştê hatiye mor kirin:

*Rêya Mirîdiyê nav hêvênê Sunetê danî
Şêx u Pîra, Mirîda baweriya xwe pê anî
rastiya wê li Birka cenetê hilanî
me sehde û îmana xwe pê anî
ya Êzî! tu hîvîya me bikî li ber rehmanî.*

(Sebeqa 18 ji Du'aya Mirîdiyê).

Ye başe mirov di virda hindekê li ser ramana (Xerqey) jî bisekine. Li gorî mîtolojiya Êzidîyan (Xerqe) yekemîn xelat bû, ji hêvênê Sunete, ji Êzidîyara hatî:

*Xerqe ji Qendîla ezmana hate
li ser Şêxu Bakir kir bû xelate
pê sayî bun bi mas u berate.*

(Sebeqa 15 ji Du'aya Xerqe).

Nîsan u ramana Xerqey çîye, boçî bi tistekî pîroz tê naskirin u dirba wî gunahêke mezine di nav Êzidîyanda?...ez na xwazim di virda persiva van pirsîyarêt dînî bidem, çunke babetekî taybet bi navê (Sinbol di edebê dînê Êzidîyanda) heye, emê li ser binvîsîn, jimara 2ê, di govara Roj da, jimara 3 dê hête belav kirin, li wêder emê bi dirêjî li ser raman û gotina Xerqey sekinîn, ji ber wê yekê na xwazim di virda li ser bi axivim.

Bi rastî em di karîn bêjîn: her Sebeqek ji van Du'aya dergehêkî fikra dînê Êzidîyan ji mera vedike. Raman u bîrûbawerêt nu ser hildidin, simbol u navêt nû der dikevin; ku ew jî li ser fikreke dînî hatîne ava kirine u dergehêt vekolîna ji mera vedikin, migirtî (bo nimune- bo misal):

*Momina îman nasiye
Tawsî Melek li ser pista Gay u Masiye
Tancê wî li ber kursiya Melekê Bêriye.*

(Sebeqa 20 ji Dû'aya Imanê).

Bo zaniyarêt bitir mirov

Du'a u dirozên Êzidîyan-----Dr. Xelîl Cindî

dikare temasay simbolêt Gay û Masî bike kû me bi dirêjî di hijmara 2a Roj da li ser nivisîye, yan jî - derheqa Xerqey- berê xwe bidene ve Sebeqê:

*Hûn Xerqey bînin biparêzin
xwe dur bikin, xêr u ser bi rêzin
da li roja axretê çirayê marifetê
li pê pêsiya we vegûhêzin.*

Di virda hevgerêdana “xer u şer” yek ji bingeş u erkanêt felsefa diyalîkîkî diyar dike, ev fikre li ser wê çendêye çawa dinya ji tiştê hevrik (وحدة الأضداد) pêk hatiye, her wisa ew hevrikne nikarin durrê hev, bê yek bijîn. Li hêreda jî yeb buna kewne (وحدة الوجود) der dikeve, wisa nebe dinya û jiyana nameşe.

Belê di virda dixwazim pêşgotina xo bi dawî bînim, li ser wê hîvîyê me karîbit hindek fikrê nû derxîne meydanê, mêtîyê asiqê Êzîdîyatîyê pêve mijul kîn, dergeha jêra vekîn, da ew bikarin li paserojê hespê xwe li vê meydanê bi hajon, vekolînê taze çêkin û heke kêmasiyê me hebin serrast kin.

Xelil Cindi Einbeck-Elmaniya
Tirme/ 1997

Du'a u dirozên Êzidiyan-----Dr. Xelîl Cindî

Dû'a Êzidiyatiyê¹

1- ewe mehdera Êzidiya

ya Xûdê roja te esas danî û çêkir
te hed u sed u her pênc ferzê heqîqetê ji mera virêkir
Êziyê sor navê xwe lêkir.

2- roja surra sunetê kirin diyare

nûra Meleka hate xware
ew ji mera kirin diyare
her yek li ser koka xwe girtibu ware.

3-hêvênê sûnetê spîye

sûrra wê ji ber damana Êziye
ya Êziyê sor! tû li me û vî dînî bikî xoyîye
tû me xilas bikî ji nexosîye.

4-Êzidiyatî miraze

Êzî karê rast ji me dixwaze
jêk kavis bibin pisêd baza.

5-Êzî li xewleye

ew mihibê kasa xweye
ew bi kesî neyî hewceye
ew minetkare ji mêrê: bi edeb, erkan, bi heye.

6- Êzî li xewle bû

ew bi kesî ney hewce bû
ew mihibê kasa xwe bû

7-Êzidiyatî sifaete

Kaniya Spî kir qûblete
kir qûbleta dinê û axrete.

¹ min ev dûeane ji zarê sêx Osman kûrê sêx birahîm wê di girtîn. Sêx Osman sêxê sêxû Bekirane û ew li sala 1942ê li gûndê berhokê, ser bi qeza nisêbînê/ tirkîya, wê hatiye dinyayê. Sêx Osman li sala 1958ê wê hatiye Lalîsê û buye skestî û xizmetkarê mala Sîxadî. pisî sê sala bitir û bitir esqa Êzidiyatiyê di dilê wîda gerim dibe û li sala 1961ê diçite ber destê hostayê xwe koçek Sadiq li behzanê; elm û zanîna dînê Êzidiya hildigire. bitir ji 30 sala ew xizmeta Lalîsê dike û pasî hindekê li behzanê û hindekê li Singarê dimîne, li wêder di zewice û kûrek jêra çêdibe û li sala 1992 Welat sêx bi cî dihêle tete Elmaniya.

Du'a u dirozên Êzidîyan-----Dr. Xelîl Cindî

8- sunet more

Padşayî Lalişek ava kir bû li jore
rêya Êzidiya bi hêf u core.

9- surra sunetê hebû

bi Padşayîra xewle bû
ji berî çendî dem bû.

10-ew sûrr li wehdaniyê çêkir

Meleka nobet² lêkir
roja îda heciya ji mera virêkir.

11-Tawsî Melek bu îman

Melik Şerfedîn bû dîn
Melik Adî bû ol
Melik Êzî bû atqad
Melik Şemsedîn bû mefer
Melik sêx Sin bu sifaet
Sêxû Bekir bû mewla
Melik Fexredîn bû rêber
ewê rojê, ji mera danîn hed u sed.

12-Êzidî rawestan bi du'ayê

surra Êzî gehayê
hinciyê safî Êzidî bê
agirê dojhê ne gehayê.

13-Êzidî bi emelê çak gehiştin benda êmanê

Meleke rawestan li dîwanê
Şêxû Bekir li ser berê sekanê
Şêx Şems ji Êzidiyara çiraye li dîwanê
ya Êzî! tu li me bikî xudanê.

14-hinciy Êzidiyê 'emel saf bin

hûnê ji axretê hîvî bin
hûnê li dîwana Êzî bin
bi xoşî u şahî bin
hûnê li axretê bi xoyî bin.

15-axret mala heqe

Melek rawestan li çarde tebeqe
ji Êzidiyara dahir kir girîvanê heqe

² Nobet, nobedarî: pawan kirin, çavdêrî, parastin, guhdan,....

Du'a u dirozên Êzidiyan-----Dr. Xelîl Cindî

16-ji Êzidiyara anîn ilmê batinê
Pedşa êkî bi tinê
hincî Êzidiyê ne yî safî bê
derê dojê ji wan ra vekirî bê.

17-bêjim we gelî sunetê
hûn desta ber ne din ji terîqetê
da Melik Şêx Sin li we bikit şifa'etê.

18-ew bû du'a mehera Êziye
Tawsî Melek da destê Şêx Fexrê Adiyê
ya Êzî! me bi te hîvîye
tu me xilas bikî ji tengiya, ji te'liye.

❖ ❖ ❖ ❖ ❖

Du'a u dirozên Êzidîyan-----Dr. Xelîl Cindî

Du'aya Şêxîtiyê

- 1- Xudê şêxîti dahir kir
duwanzde hezar qewl u qesîde
du'a u diroze pêra virêkir
Êziyê sor tancê milukiyê li ber kir
ji ewpaş, Êzidiya li pê sefer kir.
- 2- Êzi bi şêxîtiyê xwe nas kir
her pênc ferz li xwe fer kir
rêya axretê bi mal u ser kir.
- 3- rêya şêxîtiyê, rêya axretê
danîn 99not u neh erkanê heqîqetê
em li ber dikin xilmetê u îbadetê
îro dinyaye, sibe bangê axretê
ya Xudê! tu li me bikî şifaetê.
- 4- Şehîd pêxember bi şêxîtiyê bû heste
ewî ne pê hebû, ne deste
Êziyê sor ronahî li ber wî jî di xiste
ewî miraza xwe ji Xudê di xweste.
- 5- şêxîti fere
ji berî nebiya, ji berî pêxembera
ji şêxîtiyê hatibu 99 not u neh erkanê heqîqetê
bi nûra kesik u sor u spî u zere
ya Xudê! tu li me bikî mefere.
- 6- Şêxîti 99 not u neh erkane
ewil îbadet zimane
nasbûnî serxîtmê wane
ya me sidqe u îmane
li bangiya me bê Melekê rehmane.
- 7- Şêxîti miraze
Xudê rêya heqiyê ji mera dixwaze
ya Xudê! tu miraza me bikî li ber berê miraze.

Du'a u dirozên Êzidîyan-----Dr. Xelîl Cindî

8- Şêxîti ferzek ji yêt îmanê
Meleka meclis girtibû li dîwanê
ya Xudê!tu me bigehîni wê hizurê,wê erkanê.

9- Şêxîti ferzek ji yêt dîne
hinciyê rêya şêxîtiyê girt bi êqîne
şêxîti bi mêr u mehbet şêrîne
ya Êzî! tu hîvîya me bikî ji dîwana Rebil alemîne.

10-Şêxîti more
hatibû ji xizîna jore
surra şêxîtiyê ji kaniya qubet li bidore
ya Xudê! tu li me şiyarkî navê Êzîdê sore.

11-Şêxadî Melik şêx Sin bi şêxîti qebiland
Ers u Kursî jêra xemiland
horiya ji wanra li asmana hilhiland.

12-Şêxadî Melik şêx Sin bi şêxîti qebl kir
dergehê asmana vekir
bi nûrê <<te'mid kir.

13-Sêxadî dîndara xwe ji...
Şêxadî navê xweyê şêrîn lêkir
dar u bera sicude pêkir.

14-Surra Şêxadî hate 'erda
li nav şêxatiyê danî hed u sede
nav u dikrê wî tijîye ji asmana heta bi 'erde
ya Şêxadî!tu ji pêşiya me hilîni kul u derde.

15-Şêxîti miraze
hinciyê bi şêxatiyê dilxwaze
ewê li axretê bigehit dîwana baza
Xudê dê hasil bikê miraza çendî mirazxwaza.

16-ev bû du'a şêxatiyê
ji Xudê di xwazîn hîvîyê
tim miraza me bikî li ber Kursiyê.

✘ ✘ ✘ ✘ ✘

Du'a u dirozên Êzidîyan-----Dr. Xelîl Cindî

Du'a Pîranîyê

- 1- Padşay pîranî nazil kir
libsê rastiyê li ber kir
pîra li pê sefer kir.
- 2- pîranî bi navê Hesilmeman çêkir
fitir u zekat pêra virêkir
pîranî ji şexatiyê cihê kir.
- 3- karê xirab terik kirin
rêya pîranîyê ber bi xêrê kir
Padşay dûea pîranîyê nazil kir.
- 4- pîranî bi Hesilmeman dibû êqîne
hinciyê xwe ji guneha vekişîne
axret raste, ev dinya fêniyeke derewîne.
- 5- pîranî şêrîne
li heqiyê dibîne
ewê xwe bi dîwana Hesilmeman bigehîne.
- 6- pîranî hate erda
ji her pênc ferza, yek jê serda
ew miraze li ser dilê bi derde.
- 7- pîranî ferzek ji yê heqîqetê
Melik sekinîn li se'detê
momin rawestan li îbadetê
em şayîne li vê xilmetê.
- 8- şêx ji durrêne
pîr ji surrêne
feqîr candarêt mewlêne
mirîd li rêne.
- 9- mirîd bi danê
pîr bi erkanê
şêx xûndkarin li dîwanê
ewe ciyê dîn û îmanê

Du'a u dirozên Êzidîyan-----Dr. Xelîl Cindî

10-dîn u îmanêt me ji wêye
êqîna me ji wê hewdêye
loh li mehfuz navê Xudêye
ya Hesilmeman! tu me bigehînî wê xêrêye.

11-pîranî surre
hûn bi xof bin, bi tîrs bin ji hemû dile
da hûn li axretê bibin xudanê mezele.

12-da hûn li axretê çê bin
bi xêr, xoşî, şayî, da tebayî xelkê geyî bin
da hûn ji dîwana Hesilmeman bi hîvî bin.

13-pîranî xelate
surra pîranîyê ji asmana hate
da destê wan, maş u xelat û berate.

14-rêya pîranîyê 99 not u neh erkane
ji not u neha sê xoyane
yek rastiye, yek heya, yek îmane.

15-Hesilmeman! me ji te hîvîye
tu hîvîya me bikî ji dîwana Melkê bêrîye.

16-pîranî, Hesilmeman serwere
Melek sekinîn li mehdere
da destê pîra mişura zere
ya Hesilmeman!tu hîvîya me bikî ji dîwana Melekê ekbere

17-rêya pîranîyê bi rêzin
hûn xwe ji guneha biparêzin
da li axretê, çirayê marifetê li pêsiya we vegûhêzin.

18-pîranî bi naşîne
lazim heqiyê bibîne
divê rêya pîranîyê çu misêmayî tê nemîne.

19-bi mêr u mehbet sêrîne
ya Hesilmeman! em ji bi hîvîne
tû derman bikî dilê birîne.



Du'a u dirozên Êzidîyan-----Dr. Xelîl Cindî

Du'a Mirîdiyê

- 1- Xudê mirêdê xwe bi çî naskir
bi şêx u pîr, hosta u merebî, yar u birayê axretê
li dest damana wan girtin
xwe ji agirê cehnimê xilas kir
- 2- mirîdî fere
li nav wan danîn mehdere
rêya mirîdiyê her u here
- 3- Ya Şêşims! tu li me bikî mefere
ya Melik Fexredîn! tu ji mera bibî rêbere
me hîvî ji Xudê heyê
em li ber damana her pênc ferzê heqiyê bin sela.
- 4- Mirîdî rêyek ji yê dîne
hinciyê rêya terîqetê bihebîne
li dilê wan namînê; kerb û qehr û kîne.
- 5- Rêya mirîdiyê tengê
ji dîwana Êzî hat dengê
rêya mirîdiyê 99not u neh rengê.
- 6- Mirîdî nehdeye
bi Tawsî Melek den sehdeye
rawestan li ber her pênc dergeye.
- 7- Rêya mirîdiyê spîye
hinciyê Tawsî Melek girt bi rastîye
ewê li axretê bibînê xosî û sayîye.
- 8- Libsê mirîdiyê li ber xwe kin
her pênc ferza li ser xwe fer kin
rêya mirîdiyê bi mal û ser kin.
- 9- Mirîd bi xifê gehîştin mirazê
hinciyê rêya mirîdiyê ne xwazê
roja bangê axretê Padsa; heqiyê, neheqiyê
ji wan di xwazê.
- 10- mirîdî eynete
Padsayî li nav wan danî mehbete
ji ew pas, mirîdiyê girt hed û sede.

Du'a u dirozên Êzidîyan-----Dr. Xelîl Cindî

11-ev bu sûrra ji pêş

em li pê wê sûrrê bikin teftês

Padsa li pêşiya mirîdiyê nahêlê; ne kûle,

ne jane, ne ês.

12-mirîdî bi wê sûrrê rêya Xûdê nas kir

bi xofê xwe xilas kir

mêr bi xêrê digehne ber Padsayî.

13-mirîdî bi wê sûrrê girtin rêzane

li pêşiya wan gurî bû mom u çirane.

14-Mirîdî bi surrê girtin raste

me rê girtin bi marifete

hinciyê bi saxî girtibû terbiyete

ew ruh, roja axretê li ber Padşayî bi hizrete.

15-Mirîdî mehdere

Melik sekinîn li ser menbere

Melik şêx Sin şifa'ete

Melik Fexredîn rêbere

Şêşims mefere

hûn hîvîya me bikin li dîwana Melkê ekbere.

16-Me bi mirîdiyê qebule

ji berî xet u misure

Sêşims nure

Melik şêx Sin xefure

ya Tawsî Melek! tu hîvîya me bikî li dîwana Melkê xefure

17-Rêya mirîdiyê 99not u neh erkane

ji not u neha sê li nav wan dane

yek rastiye, yek heya, yek îmane

ya Êzî! tu li me bibî xudane

tu hîvîya me bikî li dîwana Melekê rehmane.

18-Rêya mirîdiyê li nav hêvênê sunetê danî

şêx u pîra, mirîda, baweriya xwe pê anî

rastiya wê li birka cinetê hilanî

me şehde u îmana xwe pê anî

ya Êzî! tu hîvîya me bikî li ber rehmanî.

✘ ✘ ✘ ✘ ✘

Du'a u dirozên Êzidiyan-----Dr. Xelîl Cindî

Du'a Xerqe ³

1- Padşayê min Xerqe sewirand

Edrîsî xeyat⁴ fesiland
şêx Bekir li pê neqiland
rêya îmanê hesiland.

2- Li pê neqiland feqîra

hinciyê terik bike xirab u fêniya u wîra
ewê xelat bibê bi mifte u kilîla
ewê bigehê dîwana mîre.

3- hûn xerqe hilînin

li pê feqîra bisînin
da feqîr bi serê xwe hilînin
feqîrî erkana ser deynin.

4- Hiciyê hay ji maniya xerqe di buwe

ew safîne, yek ruwe
ya Xudê! tu miraza me bikî zuwe.

5- Xerqe miraze

hinciyê bi erkanê xerqe bêtin behse
ew xerqe roja axretê ji wanra bibit sehde

6- Hûn xerqe bînin biparêzin

xwe dûr bikin, xêr u şer bi rêzin
da roja bangê axretê çirayê marifetê lipêsiya we veguhêzin

7- Xerqe sitare

hinciyê vexwar ji kasa tale
feqîrî ji wîra helale.

8- Feqîrî 99not u neh erkane

ewil îbadet u zimane
naskirin ser xitmê wane
ya Tawsî Melek!tu miraza me bikî li ber Kursiya rehmane

³li gorî bawerîya Êzidiya Xerqe ewil xelat bu, ji hêvênê sûnetê, ji mêrê Êzidîra hatî.

⁴li nav Êzidiya ev kesne Xerqey hildigirin: sêxên sêxû Bekir, babkek ji sêxên sêx Sina, hemu pîrên Omerxala, du babkên mirîda, feqîrê boqtêra< Boqdar>, feqîrê temînîdar.

Du'a u dirozên Êzidîyan-----Dr. Xelîl Cindî

9- Feqîrî 99 not û neh erkanêt miqerimin
heke we bivê ji 99 not u neh erkana sêya bielimin
da hûn li dîwana mîr biwesilin.

10-Erkanek jê rastî
Padşa ji ba xwe veguhastî
bû mom u çirayê pêsiya wan veguhastî.

11-Erkanek jê nasîne
hinciyê rêya Xûdê heq bibîne
li dilî namînê, ne qehre, ne kîne
ya Tawsî Melek! tu hîvîya me bikî li dîwana Rebil Alemîne

12-Erkanek jê heyaye
Padşa ji ba xwe kir peydaye
pêsiya wan gûrî bu mom û çiraye
em miraza xwe dixwazîn ji Xudaye.

13-Xerqe (setar eyûbe)
hinciyê bi ol u erkanê xerqeve bêtin zube
ew Xerqeye li axretê, ji mêrara danî hed u sed, rê u tixube.

14-Xerqe sitare
derwêşa li pê wî xelatî kir teftêse
Meleka li asmana sema qanunî kêsa
ya Xudê! me ji te hîvîye: tu li dilê me ne hêlî çû kul u
derda u êşa.

15-Xerqe ji qendîla asmana hate
li ser Şêxu Bekir kir bû xelate
pê şayî bûn, bi maş u berate.

✘ ✘ ✘ ✘ ✘

Du'a u dirozên Êzidîyan-----Dr. Xelîl Cindî

Du'a Îmanê

- 1- Îman bi çî nîsane
berî, ne erd hebu, ne asmane
ne behir hebû, ne binyane
ne çiya hebû, ne sikane.
- 2- Rê hebû ma'rifete
îman hebu terîqete
ewê rojê Kaniya Spî kir qûblete.
- 3- Kaniya Spî bû qûbleta mêrane
ji berî erd u asmane
ji berî erd u binyane
ji berî çiya u sikane
da medeha jê bideyn bi nîşane.
- 4- Em çendî medeha jê dene
ji berî Loh u qeleme
ji berî 72 heftî u dû Ademe
ya Êzî ji berî 90 not hezar salî ez li ba teme!
- 5- Berî 90 not hezar salî ez li wê bum
ne ji bab bûm, ne ji dê bûm
ez li ber kerema Mewlê bum
- 6- Ez birme ber kerema wî Mewlayî
ez dame destê wî hostayî
ji mera kirbu xoşî u şayî.
- 7- Yê xoşî şayî ji mera kirî
ez birme ser terîqa Melkê faxirî
min nezanî tû Xidir bin Xidirî.
- 8- Xidiro bin Xidir
te kasek da me bukir
me vexwar bi nav u dikir.
- 9- Te kas ji mera anî
me vexwar wek tu dizanî
lew te ez birme ser 'ilmê qatanî.

Du'a u dirozên Êzidiyan-----Dr. Xelîl Cindî

10-Ji Qatanî we dibême

bi ma'rifet u erkanê çême
da medehê ezîz Melik Fexredîn bême.

11-Da bideyn medehê 'ezîz Melik Fexredîne

kengê ji mera têtin mizgîne
wê rojê, wê derkevin xîvetên tereb zêrîne.

12-Îman weke çave

heke mûwek kete nave
xoyî ji ber heyrî, tengave.

13-Heke ketiyê mûwekî bitinê

xoyî na sekinê li ber sotinê.

14-Me îman naskir

hinciyê bi xofê helal xwe derbaz kir
ewan xwe bi wê xofê, ji dojê, ji destê zebêniya xilas kir.

15-Hinciyê bawerî bi îmanê anî

îman behre jê diçin co û kanî
momina sehde û baweriya xwe bi navê Tawsî Melek anî.

16-Tawsî Melek bi wê îmanî gehişte ber Kursiyê

momîn ber bendin li hîvîyê
tu bîniya pêsiya me xofê, heqiyê.

17-Libsê îmanê spîye

nazike, letîfe, yi qewîye
me hingêvnê gelî Êzidiya!
ew zu xeyirîye.

18-Rêya îmanê fere

ji berî nebiya u çiqas pêxembera
îman bi ser hêvênê sunetê danîn
me bi navê Tawsî Melek behwere.

19-Îman bi emelê spîye

ji berî erd, asman û zevîye
bû mehder li ser Êzidiya.

20-Momina îman nasîye

Tawsî Melek li ser pista Gay u Masîye
tancê wî li ber Kursiya Melekê bêrîye.

Du'a u dirozên Êzidîyan-----Dr. Xelîl Cindî

21-Tawsî Melek bi xwe îman ji hêvênê sunetê qebl kir

**Tok u erkan u xelat lêkir
cinet ji wan u ber jêr kir.**

22-cinet ji wan ber jêr kir

**Şêşims bu mefer
Melik Şêx Sin bû şifa'et
Şêxu Bekir bû mewla
Melik Fexredîn bû rêber
Melik Nasirdîn bû celad
Melik Sicadîn bû qasid**

23-Rêya îmanê jêra bi xêr u bêr kir

**hûn rêya îmanê bi ser nedin
cehwera bi der nedin
da hûn dîwana xasa bi ser nedin.**

24-Ew bû du'a hêvênê sunetê

**Tawsî Melek wê ser berê se'detê
ji me dixwazê xilmetê, rastiyê, îbadetê.**

25-Me îman bi Tawsî Melek tê

**îman bi wê xilmet u îbadetê
heta roja qiyametê.**

✘ ✘ ✘ ✘ ✘

Du'a u dirozên Êzidiyan-----Dr. Xelîl Cindî

Du'a Tokê

- 1- Padşayî ji mera virêkir Toke
ketibu dilê Êzidiya şayî u soqe
destê Tawsî Melek li ser stêra eyoqe.
- 2- Padşayî Tok ji mera virêkir
ava cinetê lêkir
ewî xoşî u şayî ji mera çêkir.
- 3- Wextê Tok şiyandin
Meleka qapiyê asmana vekirin
horiya li asmana hilhilandin.
- 4- Tok ji Êzidiyara ziyarete
rêya wê bi xilmet u îbadete
ew jî ferzeke ji ferzê heqîqete.
- 5- Tok ji mizgîne
Tawsî Melek nav sêrîne
emînê dîwana (Rebil alemîne)
Êzidî jê bi hîvîne.
- 6- Êzî Tok ji qûba felekê deranî
navê xoyê şêrîn li ser danî
Êzidiya bi serê xwe hilanî
me şehde û îman û baweriya xwe pê anî.
- 7- Tok girîvane
bi qirara Xudê u her heft Melekane
bi sehdeya Şêxadî u Melik Şêx Sin u Dawidî bin dermane
du'aya Tokê silametiya rêyane
- 8- Tok ji Êzidiyara qebul kir
nûr bi nûrê (te'emid) kir
ewil Xudê silav li melik Şêx Sin u Tawsî Melek kir
- 9- Tok girîvanê raste
hinciyê li rêya girîvan safî bête
ewî dinya terik kir, axret stande
- 10- Tok xelatekî bi more
hatibu ji xizîna jore
danî ser milê Êzidiya, bi qirara Êzîyê sore
rêya Tokê bi hêf u core.

Du'a u dirozên Êzidiyan-----Dr. Xelîl Cindî

11-Tok hat ji dîwana Melekê bêriye
hinciyê bi rêya Tokê biçîye
ewê bibê serhevdê mala Adîye.

12-rêya Tokê, rêya axretê
Meleka dîwan girtin li seedetê
ya xûdanê Tokê !tû li me bikî sifetê
em ji te dixwazîn îmanê û marifetê.

13-Tok ji asmana hate
nazil kir 12dûwanzde hezar xelate
ji mera xirêkirin mas û berate.

14-Tok misure
hatibu ji ersê jore
hinciyê rêya Tokê rast girt; Xûdê tim ji
wîray xefure.

15-hêvênê sûnetê Tok li ser xwe kir
me li pê bawer kir
rêya Rokê mal û ser kir.

16-rêya Tokê bi ser û male
----- Du'a u dirozên Êzidiyan-----

sûrrê batinê 99 not û neh hezare
Tok bu xelatê momina, ne yê gûnehkara
bê baweriya bavêjin dojê, devê mara.

17-ya Xûdanê Tokê! me ji hîvîye
me û zidiya
tû hîvîya me bikî ji(li) dîwana Melekê bêriye.

✘ ✘ ✘ ✘ ✘

Du'a u dirozên Êzidîyan-----Dr. Xelîl Cindî

Du'a Sebirê

- 1- Xudanê sebrê sebir çêkir
navê xweyê şêrîn lêkir
erkan, marifet vêra virêkir.
- 2- Xudê sebir kir sikane
Melik ji nûra wî hatine xware
bi wan ava kirbû 'erd u asmane.
- 3- Sebir delîle
nazil bû ji qendîle
danîn ser perda feqîre.
- 4- Ewan bi sebrê xwe nasî
Êzî bi wê sebrê dahir bû bi hezar u yek libasî
li behra gerabû bi rengê Masî.
- 5- Sebir Rehmane
li cinetê Meleka girtin dîwane.
- 6- Sebir sikana ewliye
hinciyê sebir nasiye
ewê bibînin xosî û sahiye.
- 7- Sebir Rehmane
Meleka girtibû meclis u dîwane
sebir kir delîlê rêyane.
- 8- Sebir erkana çêye
hinciyê marifet u erkan divêye
ew sebir silametiya rêye.
- 9- Bi wê sebrê derwêşa mal u mezel terk kirin
şevê, rojê 'ibadet kirin
emîn cibraîl serdanê xêrê li wan kirin
ew derwêş ji agirê dojê efû kirin
- 10-Sebir xelatekî Pedşaye
ji ba xwe kir peydaye
bi wê sebrê li ber wan ewliya
gurrî bu mom u çiraye.

Du'a u dirozên Êzidîyan-----Dr. Xelîl Cindî

- 11-Ew sebir da Gay u Masiye
bi wê sebrê Xudayê xwe nasiye
çarde tebeq li ser milê wiye.
- 12-Bi wê sebrê Heyv u Roj li asmana danîn
perda wan li Kaniya Spî u Sihanê hilanîn
- 13-Xudê bi sebrê erd û asman xemiland
horiya li Quba felekê hilhiland
Xudê çar durr efirand
riknê erd u asmana pê sekinand.
- 14-Padşayî bi sebrê cinet çêkir
Meleka hoste pêkir
dilê emelçaka xwes bû
dilê xiraba ber bi jêr kir.
- 15-Horî u Meleka bi sebrê gehistin îmanê
hatin xweyê sebrê u sikanê
bi wê sebrê gehistin wê hizretê, wê dîwanê wê keyfê, wê
seyranê.
- 16-Erkanek ji wê sebrê rastî
Padşayî ji ba xwe bîrastî
ew sebir bû mom u çira
li pêşiya wan vegûhastî
- 17-Erkanek ji wê sebrê nasîne
hinciyê rêya Xudê girt bi êqîne
ew rêya mêr u Meleka bi heq dibîne.
- 18-Erkanek ji wê sebrê heyaye
Padşay ji ba xwe kirbu peydaye
bi wê meclis bi navê Şêxadî u Melik şêx Sin avaye.
- 19-Sebir xweş hesare
(te'mîda) wê ji behra nîle
bi wê sebrê; Izraîl, Cibraîl, Mîkaîl, Dirdaîl
Sifqaîl, Izrafîl, Israfil bûn pîre.
- 20-Bi wê sebrê Meleka ava qalibê Adem anî
li ava Kaniya Spî hilanî
bi wê sebrê qalib ê qalib çêkirî.

Du'a u dirozên Êzidîyan-----Dr. Xelîl Cindî

**21-Heşt sed salî ruh pê anî
bi wê sebrê Meleka Adem li cinetê danî.**

**22-Adem bêsebir,rêya Tawsî Melek girt bi nezani
li ber nema sebra rehmanî
heta xwe ji cinetê deranî.**

❖ ❖ ❖ ❖ ❖

Du´a u dirozên Êzidîyan-----Dr. Xelîl Cindî

Du´a Xudanê malê

- 1- Ya Xudê, Xudanê malê tu li me bikî serdanê
em ji te dixwazin tifaqê u marifetê û îmanê
me hîvî ji te heye,tû hîvîya meû Êzidiya bikî li dîwanê
- 2- Em rawestan li ber Xudanê malê
tu li dilê me bikî sîqalê
tu li pêşiya me hilînî; kerbê u kînê
bidî pêşiya me; xofê u sebrê u erkanê
tu yî Xudanê sebrê u sikanê.
- 3- Xudanê malê ji malê dixwazê medeha
em rawestan li ber çarde dergeha
emê miraza xwe bixwazin ji xudanê wan qubeha
- 4- Xudanê malê, xudanê quba nûrîne
kursiya wî serbanê ´ersê ´ezmîne
li ber di îsyêt şemalê nûrîne
me hîvî ji te heye,tu hîvîya me bikî li ba (Rebil Alemîne)
em dîm ji te u wan surr u kerema bi hîvîne
tu emelê bas bidî me, karê xirab ji pêşiya me hilîne.
- 5- Ewan gunehkara Xudanê malê nas ne kirin
xwe ji rêya Xudê dur kirin
derê qeda u bela li xwe vekirin
zebêniya roja axretê,ew li geliyê waweylê werkirin.
- 6- ew Xudanê malê xof u rehim li dilî kirin
me hîvî ji Xudanê malê heye
mom u çira li ber vekirin
ew ji dûwanzde hezar bela dur kirin.
- 7- Ya Xudanê malê ji cineta mîre
lê êwirîn coqetêt feqîre
rêya me bi hosta, şêx u pîre.
- 8- Xudanê malê navek jê Melekê Bêrîye
hinciyê rêya heqiyê nasiye
ewê bibê serwerê mala Adiya.
- 9- Eve bu du´a Xudanê malê
mala heqiyê, dîm em berdî hîvîyê
em dilxwesîn bi wê xoşî u şahiyê.

Du'a u dirozên Êzidîyan-----Dr. Xelîl Cindî

10-Xudanê malê li biket xoyîtiyê

Meleka dilê aşiq u momina xweskir
dilê xirab û beygoya terîq kir.

11-Xudanê malê, Xudanê cara

hinciyê bi terîqetê dijmine
roja axretê barê wî hesine cizayê wî sotine.

12-Hinciyê li Xudanê malê neyî guhdare

yê wan li axretê bavêjin dojê, devê mara
ew bê şêx u pîr,hosta u merebî,birayê axretê bê extiyare
roja hesabê, bê ciye, bê ware

13-Me bi Xudanê malê behwere

ji mera sekinîn li mehdere
Melik wê li ser menbere
Xudanê malê ji mera anî toka zere
ya Xudanê malê! tu ji dilê me hilîne kul u kesere
tu li me bibî mefere.



Du'a u dirozên Êzîdîyan-----Dr. Xelîl Cîndî

Du'a Heyvê(*)

- 1- Me heyveke xoye nû dîye
durreke qîmetîye
ser tancekî resî nûranî di îsîye
qubleta min Kaniya Spîye
mesebê min Şêşimsê Teterîye.
- 2- Fexro! tu Fexrekî di cîde
xudanê 'ilmê be'îde
tu wê li ber kerema Siltan Êzîde.
- 3- Ez Êzîdê cidê xome
medeha jê vedideme.
- 4- Şêxek rabû ji Şamê
avakir Laliş meqamê
bo dîndara Şêx Fexrê Adiyane.
- 5- ya Melek Fexredîn! te em xûndîne li hizretê
tu me bisitrînî ji dirba Xerqê
ji şerîetê, ji terîqetê
şikir, te em havêtîne ser pişka sunetê.
- 6- Yya Melik Fexredîn! me ji te divêt :
fira dest u Ol û terîqet.
- 7- Bimbarik ya pîroz
yêt hesud, çav spî di boz
- 8- Ya Melik Fexredîn! heyva nû, qismetê kevin
ya Melik Fexredîn! heyva nû, qismetê kevin
ya Melik Fexredîn! heyva nû, qismetê kevin.

